

**ინტერესის გამოხატვის მოთხოვნა
(საკონსულტაციო მომსახურება – ფირმების შერჩევა)**

საქართველო

მსოფლიო ბანკი-SIDA-ს სატრასტო ფონდი - (TF014912)

საქართველოს ჩამდინარი წყლების მდგრადი განკარგვის პროექტი (P145040)

**ხელშეკრულების სახელწოდება: ტექნიკური დახმარების საერთაშორისო
საკონსულტაციო მომსახურება ჩამდინარი წყლების სექტორში საქართველოს
გაერთიანებული წყალმომარაგების კომპანიისთვის
პროექტის საიდენტიფიკაციო ნომერი SIDA/SWMP/CS/LCS/01-2014**

საქართველომ მოითხოვა დაფინანსება შვედეთის განვითარების საერთაშორისო სააგენტოსაგან ჩამდინარი წყლების მდგრადი განკარგვის პროექტის დასაფინანსებლად და აპირებს ამ თანხის ნაწილი გამოიყენოს საკონსულტაციო მომსახურებისათვის.

საკონსულტაციო მომსახურება (“მომსახურება”) მოიცავს ტექნიკური დახმარების გაწევას საქართველოს გაერთიანებული წყალმომარაგების კომპანიისთვის ჩამდინარი წყლების სექტორში. ჩამდინარი წყლების მდგრადი განკარგვის პროექტის ტექნიკური დახმარების პროგრამის ფარგლებში, საკონსულტაციო კომპანია ჩართული იქნება როგორც ერთ-ერთი მხარე პროცესში, დასახული მიზნების მისაღწევად. შერჩეული კონსულტანტი თავის საქმიანობას განხორციელებს საქართველოში (დაახლოებით, საქმიანობის 90% - ობიექტზე), ხოლო პერიოდული გრაფიკით კონტრაქტით განსაზღვრულ დღეებში იმუშავებს საქართველოს გაერთიანებული წყალმომარაგების კომპანიასთან.

მომსახურება მოიცავს ამოცანების/დავალებების განხორციელებას შემდეგი საქმიანობის სფეროების მიხედვით:

- ა. ინსტიტუციონალური სფერო: მარეგულირებელი მოთხოვნები ჩამდინარი წყლების მომსახურების სფეროში;
- ბ. ინსტიტუციონალური სფერო: ჩამდინარი წყლების განკარგვის ეროვნული სტრატეგიისა და მისი მხარდამჭერი პოლიტიკის განხორციელება;
- ც. საქართველოს გაერთიანებული წყალმომარაგების კომპანიის ორგანიზაციული სტრუქტურა გამწმენდი სისტემის მენეჯმენტისთვის;
- დ. საქართველოს გაერთიანებული წყალმომარაგების კომპანიის ტექნიკური შესაძლებლობები გამწმენდი სისტემებისთვის;
- ე. საქართველოს გაერთიანებული წყალმომარაგების კომპანიის ინსტიტუციონალური შესაძლებლობები გამწმენდი სისტემის მენეჯმენტისთვის.

კონსულტანტი პასუხისმგებელი იქნება ყველა წინასწარი თანხმობის მიღებაზე (დაინტერესებული მხარეებთან კონსულტაცია და მათი მხრიდან შედეგებზე შესაბამისი წერილობითი დასტური). მან უნდა უზრუნველყოს საქართველოს წყლისა და საკანალიზაციო სისტემების სექტორიდან ყველა შესაბამისი მხარის ჩართვა; პირველადი მხარდაჭერა განხორციელდება საქართველოს გაერთიანებული წყალმომარაგების კომპანიისთვის, ასევე საქართველოს რეგიონული განვითარებისა და ინფრასტრუქტურის სამინისტროსა და/ან საქართველოს გარემოს დაცვისა და ბუნებრივი რესურსების სამინისტროს მიმართ, განსაკუთრებით გათვალისწინებული იქნება ინსტიტუციონალური სფეროს ელემენტები.

მომსახურების განხორციელების სავარაუდო ხანგრძლივობაა 2015 წლის 31 დეკემბრამდე.

საქართველოს მუნიციპალური განვითარების ფონდი იწვევს უფლებამოსილ საკონსულტაციო ფირმებს (“კონსულტანტებს”), რათა მათ გამოხატონ ინტერესი ზემოხსენებულ მომსახურებაზე. დაინტერესებულმა კონსულტანტებმა უნდა წარმოადგინონ განცხადება და ინფორმაცია იმის დასტურად, რომ ისინი კვალიფიცირებულნი არიან ზემოხსენებული მომსახურების დარგში. ინტერესის გამოხატვა უნდა მოიცავდეს, მაგრამ არ შემოიფარგლებოდეს ქვემოთმოყვანილით: საპროექტო საქმიანობის ანალოგიური გამოცდილება, წამყვანი სპეციალისტების რესურსები, კორპორატიული პროფილი. საბოლოო სიაში მოსახვედრ შერჩევის კრიტერიუმებს წარმოადგენს:

- ბოლო 7 წლის განმავლობაში (ე.ი. 2007 წლის იანვრიდან) განხორციელებული ანალოგიური საკონსულტაციო მომსახურების კონტრაქტები;
- ზოგადი გამოცდილება.

შენიშვნა: საქართველოს მუნიციპალური განვითარების ფონდი უფლებას იტოვებს გადაამოწმოს წარმოდგენილი რეკომენდაციები და შეფასების მიზნებისათვის გამოიყენოს მოპოვებული ინფორმაცია.

დაინტერესებული კონსულტანტების ყურადღება უნდა გამახვილდეს მსოფლიო ბანკის სახელმძღვანელო პრინციპების: *კონსულტანტების შერჩევა და დაქირავება მსოფლიო ბანკის სესხის აძლევთა მიერ IBRD-ის სესხებისა და IDA-ს კრედიტებისა და გრანტების ფარგლებში* (2011 წლის იანვრის გამოცემა) პარაგრაფზე 1.9. (“სახელმძღვანელო პრინციპები კონსულტანტებისათვის”), სადაც მითითებულია მსოფლიო ბანკის პოლიტიკა ინტერესთა კონფლიქტთან დაკავშირებით.

თავიანთი კვალიფიკაციის ასამაღლებლად კონსულტანტებს შეუძლიათ გაერთიანდნენ სხვა ფირმებთან. (გთხოვთ, გაითვალისწინოთ, რომ მსოფლიო ბანკისათვის მისაღები გაერთიანების ფორმას წარმოადგენს ქვე-კონსულტანტობის ან ერთობლივის საწარმოს ფორმა და განაცხადში ნათლად უნდა იქნას მითითებული გაერთიანების ტიპი. კონსულტანტის კორპორატიული გამოცდილების შეფასებისას გათვალისწინებული არ იქნება ქვე-კონსულტანტების გამოცდილება).

ანალოგიურ პროექტებში მონაწილეობის გამოცდილება ფორმა №1-ით უნდა იქნას წარმოდგენილი, რომელიც მგფ-ს ვებგვერდზე იქნება ატვირთული: <http://mdf.org.ge/wp-content/uploads/2014/02/Form-for-References.pdf>

კონსულტანტს რეკომენდაციას ვუწვევთ თავისი ინტერესის გამოხატვის წინადადება 30 გვერდიანი ფორმატით წარმოადგინოს. კომპანიის ბროშურები შესაძლოა თანდართული იქნას დანართის სახით, და მასზე არ გავრცელდება 30-გვერდიანი ლიმიტი.

კონსულტანტი შეირჩევა უდაბლესი ფასით (LCS) შერჩევის მეთოდით, *კონსულტანტების შერჩევა და დაქირავება მსოფლიო ბანკის სესხის აძლევთა მიერ IBRD-ის სესხებისა და IDA-ს კრედიტებისა და გრანტების ფარგლებში* (2011 წლის იანვრის გამოცემა) III განყოფილებაში მოცემული მეთოდის მიხედვით.

დაინტერესებულ კონსულტანტებს შეუძლიათ ორშაბათიდან პარასკევის ჩათვლით 10.00-დან 18.00 საათამდე მოიპოვონ დამატებითი ინფორმაცია მგფ-ს შესყიდვების სამმართველოში, ტელეფონის ნომერი: +99532 2437001, შიდა ნომერი 409, ქ-ნი ნატა პეიტრიშვილი, შესყიდვების სპეციალისტი.

განცხადება ინტერესის გამოხატვაზე მოწოდებულ უნდა იქნას წერილობით ქვემოთმოყვანილ მისამართზე (პირადად, ელ-ფოსტის, ფაქსის ან საკურიერო ფოსტის მეშვეობით) არაუგვიანეს 2014 წლის 14 მარტის 18:00 საათისა.

საქართველოს მუნიციპალური განვითარების ფონდი

ბ-ნი ელგუჯა ხოკრიშვილი, მგფ-ს აღმასრულებელი დირექტორი

მისამართი: დ. აღმაშენებლის გამზირი 150, თბილისი 0112, საქართველო,

ტელ: +99532 2437001 ან 02/03/04

ფაქსი: (+995-32) 2437077

ელ. ფოსტა: procurement@mdf.org.ge